

## Script of Evening Gojri News Bulletin 04 September 2024 at 1700 Hrs

ایوننگ گو جری نیوز بلیٹن مورخہ 04 ستمبر 2024

\*\*\*\*\*

یوہ آکاشوانی جموں بے محمد سفیر تے غلام سرورتیں خبر سُنو۔ پہلاں خاص خاص خبر۔

\*\*\*\*\*

- \*1- وزیر اعظم نریندر مو دی نے اج بُرنائی گا سلطان حاجی حسن البلخی سنگ بندھار سیری بھگوان مانہ ملاقات کی ہے۔
- \*2- وزیر اعظم نریندر مو دی گا سنگا پور پچن تیں پہلاں سنگا پور ر غا اعلیٰ سرمایہ کار گروپ نے بڑی سرمایہ کاری گو اعلان کیو ہے۔
- \*3- رائل گاندھی نے یقین دہانی کی ہے جے انڈیا اتحاد جموں کشمیر نانہ ریاست غو درجو دئیے گو۔
- \*4- تے ضلع چنواؤ افسر جموں سچن کمار ویشے نے ضلع غاگل 11 اسمبلی حلقاں گا متعلقہ ریٹرننگ افسراں سنگ میٹنگ کر غے چنواوی تیاریاں تے سویپ سرگرمیاں غو تفصیلی جائزو لیو۔

\*\*\*\*\*

خبراں غی تفصیل نال پہلاں محمد سفیر۔

### PM Sultan

وزیر اعظم نریندر مو دی نے اج بُرنائی غا سلطان حاجی حسن البلخی سنگ بندھار سیری بھگوان مانہ ملاقات کی۔ سوشل میڈیا پوسٹ مانہ وزیر اعظم نریندر مو دی نے اظہار کیو جے انہاں نانہ سلطان سنگا مل غے خوشی ہوئی۔ اور اس ملاقات غے دوران 2 طرفہ تعلقات ور بڑا پیمانہ غی گل بات کی گئی اور بھارت تے بُرنائی آپسی تجارت نانہ مزید وسیع کر رہیا ہیں۔ اس دوران دوہاں رہنماواں نے سلامتی تجارت تے سرمایہ کاری بارے وی تفصیلاً غور کیو۔ اور علاقائی تے عالمی معاملات مانہ باہمی فائدہ ور وی گل بات کی گئی۔ بھارتی خارجہ پالیسی گو ذکر کرتاں واں وزیر اعظم نے دسیو جے بُرنائی بھارت غو اہم شراکت دار ہے۔ تے انہاں نے مذکورہ ملکی سلطان نانہ پورا بھارت غی طرفوں اُن گا 40 واں یوم آزادی غی مبارکباد وی پیش کی۔ یا درہ جے مذکورہ رہنماواں نے ٹیلی مواصلات، سیٹلائٹ لانچ کرن آلا آلات تے ٹیلی منٹری آپریشن بارے مفاہمت نامہ ور وی دستخط کیا گیا۔ اس موقعہ ور بھارت گا وزیر خارجہ ڈاکٹر ایس جے شنکر نے بُرنائی غا شاہراں تے اطلاعات غا وزیر سنگ معاندہ ور دستخط کیو۔ وزیر اعظم واسطے مذکورہ سلطان نے ظہرانہ غی میزبانی وی کی۔ واضح رہے جے وزیر اعظم اس بار سنگا پور تے بُرنائی گا دورہ ور ہیں۔ بُرنائی غو دور مکمل کرن تیں سنگا پور واسطے روانہ ہو گیا ہیں۔ وزیر اعظم غو یوہ دورو ان غا ہم منصب لارنس وونگ غی دعوت ور کیو گیو ہے۔

\*\*\*\*\*

### Singapore Investment

وزیر اعظم نریندر مو دی گا سنگا پور پچن تیں پہلاں سنگا پور سرمایہ کار گروپ نے بڑی سرمایہ کار گروپ نے بڑی سرمایہ کاری گو اعلان کیو ہے۔ یا درہ جے متعلقہ کمپنی آئندہ 4 سالان مانہ تقریباً 90 ہزار 2 سو 80 کروڑ روپیاں غی سرمایہ کاری کرے گی۔ بھارت مانہ سنگا پور ر غا اعلیٰ کمشنر سمن وونگ نے سماجی میڈیا پیغام غے

ذریعے دسیو جے سنگا پور غو کیپٹا لینڈ جہیڑو ایشیا غو سب تیں بڑا ریل اسٹیٹ گروپاں وچوں اک گروپ ہے نے بھارت مانہہ اپنے زیر فنڈ نانہہ ڈگنا کرن غو منصوبو بناویو ہے۔ اور انہاں نے خوشی غو اظہار کیو جے سنگا پور غی کمپنی بھارت مانہہ سرمایہ کاری ڈگنی کر رہی ہیں۔

\*\*\*\*\*

## Joshi Hydrogen

بھارت آئندہ ستمبر غی 11 تاریخ تیں 13 تاریخ تک بین القوامی کا نفرنس برائے سبز ہائیڈروجن نوی دہلی مانہہ منعقد کر رہیو ہے۔ نویں تے قابل تجدید توانائی غا مرکزی وزیر پرلہاد جوشی نے اس بارے اظہار کیو۔ اس موقع ور انہاں نے بھارت تے باقی ترقی یافتہ ملکاں مانہہ سبز ہائیڈروجن غا کلیدی کردار غی اہمیت وی اجاگر کی۔ انہاں نے کہیو جے مذکورہ کا نفرنس غو مقصد سبز ہائیڈروجن غی اہمیت نانہہ سمجھنو ہے۔

\*\*\*\*\*

## Emobility Conference

بڑی صنعتاں کا مرکزی وزیر ایچ ڈی کمار سوامی نے کہیو ہے کہ سرکار بھارت نانہہ برقی گاڑیاں کا عالمی مرکز بنان غی سمت مانہہ کم کر رہی ہے۔ اج نوی دہلی مانہہ برقی نقل و حرکت ور اک قومی کا نفرنس سنگ خطاب کرتاں واں مرکزی وزیر نے کہیو کہ حکومت غی توجو ملک مانہہ برقی گاڑیاں مانہہ تیزی لیاںو ہے تے 2070 تک کاربن غا اخراج نانہہ صفر کا ہدف حاصل کرنو ہے۔ اس کا نفرنس غو عنوان تھو ”وکست بھارت با رے اک برقی نقل و حرکت مرکز غے طور ور بھارت غی تعمیر۔“

\*\*\*\*\*

## Pradhan Workshop

وزیر تعلیم دھرمیدر پر دھان نے اج ونی دہلی مانہہ اداراں غی ترقی بارے منصوبہ غے متعلق ورکشاپ مانہہ خطاب کرتاں اظہار کیو جے بھارت غی بڑی طاقت نوجوان آبادی ہے اور اس نانہہ آئندہ 25 سالان مانہہ اپنو کردار نبھانو ہے۔ انہاں نے کہیو جے بھارت غا اعلیٰ تعلیمی اداراں نانہہ محض ڈگری غی حصولیابی نہیں بلکہ جامع قابلیت نانہہ ترجیح دینی چاہیے۔ تانجے طلباء پر شعبہ مانہہ موجود رکا وٹاں گو حل کڈھ سکیں۔ اعلیٰ تعلیمی اداراں تے یونیورسٹی گرانٹ کمیشن غا اکھٹا کرن بارے بولتاں واں انہاں نے کہیو جے یو جی سی نانہہ نہ صرف ضوابط لاگو کرن آلو ادارو تصور کیو جائے بلکہ متعلقہ کم کاج مانہہ آسانی آلو ادارو وی منیو جائے۔ اس موقع ور انہاں نے یو جی سی کا قواعد و ضوابط ور مشتمل مجموعو وی جاری کیو۔ یاد رہے جے مذکورہ ورکشاپ مانہہ ملک کا اعلیٰ تعلیمی اداراں گا وائس چانسلر تے مدرس حصولے غے اداراں کی بہتری بارے منصوبہ وی پیش کریں گا۔

\*\*\*\*\*

## Meghwal Notary

قانون تے انصاف کا مرکزی وزیر ارجن رام میگواکل نے نوی دہلی مانہہ نواں نوٹری پورٹل غو آگاز کیو۔ اس موقع ور خطاب کرتاں واں مرکزی وزیر نے کہیو کہ نوٹری پورٹل صارف دوست انداز مانہہ بناویو گیو ہے تے اس غے ذریعے تصدیق کرن آلاں تے عوام نانہہ مدد حاصل وے گی۔ نوٹری پورٹل پکھ پکھ خدمات بارے مصدقاں تے حکومت غے بشکار اک آن لائن انٹرفیس فراہم کرے گا۔ جس طرح مصدق کا طور ور تقرری بارے درخواست جمع کرن۔ مشق غی سند غو اجراء تے تجدید، سالانہ ریٹرن جمع کروانو

وغیرہ شامل ہیں۔ انہاں نے کہیو کہ نوٹری پورٹل غا آغاز سنگ ہون تصدیق کرن آلا برائے راست درخواست جمع کروا سکیں۔ تے اس غی پیش رفت غی نگرانی وی کر سکیں تے اپنا آکا وٹس تیں ڈیجیٹلی دستخط شدہ پریکٹس ڈیجی لا کر غی سرٹیفکیٹ داؤن لوڈ کر سکیں۔

\*\*\*\*\*

یہ خبر تم آکاشوانی جموں تیں سن رہیا ہیں خیراں گا باقی حصہ نال غلام سرور۔

### Rahul Campaign

کا نگریش لیڈر راہل گاندھی غی طرفوں اج تیں جموں کشمیر مانہ اسمبلی انتخابات بارے جماعت غی چناوی مہم غو آغاز کیو۔ انہاں نے لوکاں نانہ یقین دہانی کروانی کہ ان غی جماعت انڈیا بلاک غی شراکت داراں غی مدد سنگ مرکزی زیر انتظام علاقہ جموں کشمیر نانہ ریا ست غی بحالی نانہ یقینی بناوے گی۔ انہاں نے کہیو کہ مہاری خواہش تھی کہ جموں کشمیر مانہ اسمبلی انتخابات تیں پہلاں ریا ست غو درجو دتو جائے لیکن بھارتیہ جنتا پارٹی اس چیز ور راضی نہیں تھی تے ان گو رد عمل پہلاں چناؤ کرانو تھو۔ ان گو کہنو تھو کہ ہم جموں کشمیری گا ریا ست گا درجہ غی بحالی کروان ور پر عزم ہاں چاہے بی جے پی اس چیز ور راضی وے یاہ نہیں۔ ان نے کہیو کہ ہم سرکار ور دباؤ کہلاں گا تے انڈیا اتحاد گا بینر تلے لرائی لڑ غے ریا ست غو درجو بحال کرواں گالوک سبھا مانہ حزب اختلاف غا لیڈر راہل گاندھی ضلع رام بن گا ہاتھال اسمبلی حلقہ غا سنگلدان مانہ اک چناوی ریلی سنگ خطاب کر رہیا تھا۔ تے اس حلقہ مانہ پہلا مرحلہ مانہ 18 ستمبر نانہ ووٹ کہلیا جائیں گا۔ اس حلقہ تیں سابقہ پر دیش کا نگریش کمیٹی گا صدر وقار رسول وانی چناؤ لڑ رہیا ہیں۔ تے ان گا مقابلہ مانہ نیشنل کانفرنس گا امید وار سجاد شاہین تے بی جے پی غا امید وار سلیم بھٹ وی میدان مانہ ہیں۔ سابقہ وزیر وقار رسول وانی غی نظر اس نشست تیں تیجی بار جتن ور ہے۔

\*\*\*\*\*

### DEO Jammu

ضلع چناؤ افسر جموں سچن کمار ویشے نے اج ضلع گا کُل 11 اسمبلی حلقاں گا ریٹرننگ افسراں سنگ میٹنگ کر غے چناوی تیاریاں تے سویپ غی سرگرمیاں غو تفصیلی جانزو لیو۔ اس موقع ور چناوی ضابطہ اخلاق تے امن و امان غا نوڈل افسر شیر سنگھ وی موجود تھا۔ اس موقع ور بولتاں و ان ضلع چناؤ افسر سچن کمار ویشے نے اس طرح کہیو۔۔۔ ہائٹ۔۔۔

\*\*\*\*\*

### SVEEP JE

آج سرکاری ہائر سکینڈری اسکول مبارک مندی جموں مانہ اک سویپ پروگرام غو انعقاد کروایو گیو۔ یوہ پروگرام مشرقی اسمبلی حلقہ جموں گا نوڈل افسر رومیش کمار غی رہنمائی مانہ کروایو گیو تاہم اس طرح متعلقہ افسر نے اسکول گا بچاں نانہ سویپ پروگرام بارے جانکاری وی دتی تے 18 سال تیں متی عمر آلا نوجواناں نانہ اپنو ووٹ کہلن بارے ہدایت جاری کی گئی۔ اس دوران اک ریلی وی کڈی گئی یاہ ریلی مبارک منڈی اسکول تیں شروع ہو غے پنجتیر تھی، دھونتلی بازار، چوک چبوترہ تے واپس اسکول مانہ اختتام پزیر ہوئی۔ اس ریلی گو مقصد لوکاں مانہ ووٹ بارے بیداری عام کرنی تھی۔ اس موقع ور بولتاں و ان نوڈل افسر نے اس طرح کہیو۔۔۔ ہائٹ۔۔۔

\*\*\*\*\*

## SVEEP Udhampur

ضلع انتظامیہ کے محکمہ آيوش يوتھ سروس کے اسپورٹس غى سنجيالى سنگ اچ نكى لو سيهاش سٹیڈيم اُدھم پور مانہ سوپ مہم کے تحت يوگا شيور گو انعقاد كيو۔ اُدھم پور ضلع غا ايڈيشنل ترقیاتی كمشنر راجندر سنگھ سوپ نوڈل افسر ڈاكٹر پريتى شرما کے باقى عہديداران کے نال نال ممتاز شہريان کے طلباء نے اس پروگرام مانہ حصول ليو۔ اس دوران ميڈيا سنگ گل بات كرتاں و ان ايڈيشنل ترقیاتی كمشنر نے اس طرح كہيو۔۔ بانٹ۔۔

\*\*\*\*\*

## First Time Voter

ڈوڈہ ضلع تين تعلق ركهن آلى قومی كركٹ كھلاڑى کے پہلى بار ووتر مہك راكوال نے جمہورى عمل مانہ حصولين کے ترقى بارے اپنو ووٹ كہن واسطے جوش و خروش غو مظاہرو كيو۔ انہاں نے تمام ووتران کے بالخصوص نوجوانان کے پہلى بار ووٹ كہن آلاں و زور دتو كہ وے جمہورى نظام ناہ مضبوط بنان مانہ اپنى شركت غى اہميت و زور ديتاں و ان کے آويں کے ووٹ كہلين۔ انہاں نے اس طرح كہيو۔۔ بانٹ۔۔

\*\*\*\*\*

## SVEEP Poonch

سوپ ٹيم نے اچ ضلع پونچھ گا شرى كرشن چندر ميموريل سركارى ڈگرى كالج پونچھ مانہ اچ سيمينار كم تربيتى پروگرام غو انعقاد كرايو۔ اس پروگرام مانہ نوجوان ووتران کے انتخابى خواندگى كلب يعنى اليكٹورل لٹريسى كلب گا ممبران نے شموليت كى۔ اس موقع و سوپ گا انچارج پروفيسر اكرم کے ضلع سطح ماسٹر ٹرينرز رويندر سنگھ نے نوجوان ووتران مانہ ووٹ كى قدر و قيمت کے انتخابى عمل بارے تربيت وى دتى۔ اس موقع و ر بولتاں و ان سوپ گا انچارج نے اس طرح كہيو۔۔ بانٹ۔۔

\*\*\*\*\*

## SS- SB

فوج کے عام شہريان بشكار تعلقات مانہ مضبوط بنان اور نوجوانان غى حوصلہ افزائى كرن کے پيش نظر ساكشت سينا سمريدھ بھارت نمائشى پروگرام جا ركھنڈ رانچى شروع كرن غى تمام تر تيارى مكمل كر لى گنى بين۔ اس پروگرام مانہ وزير مملكت برائے دفاع سنجے سيٹھ شركت كرين گا۔ مذكورہ پروگرام رواں مہينہ غى 6 تاريخ تين شروع ہو ربيو ہے۔ اور 3 دن تک جارى رہے گا۔ اس دوران ہتھياران غى نمائش کے علاوہ موٹر سائيكل، پالتو كُتاں کے گرام ہوا آلا غباران گا شو وى منعقد كيا جائى گا۔

\*\*\*\*\*

اس کے نال ہى خبران غو يوه بليٹن ختم ہوئے۔